



NEWSLETTER BR. 42

AUGUST 2018

SADRŽAJ

FIPA AKTIVNOSTI ≡

- » Novoimenovani ambasadori BiH posjetili FIPA-u
- » U sklopu Programa postinvesticione podrške posjećene kompanije ADK d.o.o. i Glasstex Bosnia d.o.o. Novi Travnik
- » Nastavak aktivnosti na realizaciji investicije Koševo Stadiona
- » Održan 5. Biznis forum bosanskohercegovačke dijaspore
- » FIPA učestvovala na B2B susretima bh privrednika i članova Američke trgovačke komore Kosova
- » Posjeta CSCEC – China State Construction Engineering Corporation Ltd

FIPA POSLOVNE VIJESTI

- » 5th CEE Procurement & Supply Forum“, 16.10.2018, Prag / Češka Republika
- » Usvojena Okvirna Energetska Strategija BiH do 2035

FIPA AKTIVNOSTI ≡



NOVOIMENOVANI AMBASADORI BiH POSJETILI FIPA-U



U SKLOPU PROGRAMA POSTINVESTICIONE PODRŠKE POSJEĆENE KOMPA NIJE ADK D.O.O. I GLASSTEX BOSNIA D.O.O. NOVI TRAVNIK ≡





NOVOIMENOVANI AMBASADORI BiH POSJETILI FIPA-U



U okviru priprema za diplomatsku misiju, novoimenovani ambasador BiH u Ujedinjenim Arapskim Emiratima Šerif Mujkanović, novoimenovani ambasador BiH u Iranu Samir Veladžić, te generalni konzul BiH u Italiji Ružica Udovičić posjetili su FIPA-u kako bi se upoznali s radom Agencije na privlačenju stranih investicija i promociji BiH, i pripremili za rad na ekonomskoj suradnji između BiH i zemalja u kojima će ambasadori djelovati. Direktor FIPA-e Gordan Milinić je upoznao bh. diplomate s radom Agencije, mogućnostima za ulaganje u BiH, suradnji FIPA-e s nadležnim institucijama, te koordinaciji rada institucija BiH na polju privlačenja stranih investicija. Govorio je o poteškoćama s kojima se strani investitori suočavaju u BiH u okviru realizacije investicija, te potrebi značajnije podrške svih nadležnih u skraćivanju administrativnih procedura za pokretanje biznisa, imajuću u vidu značaj svakog novootvorenog radnog mjesta u BiH pri trenutnim okolnostima. Istaknuto je da je u 2017. godini zabilježen priliv stranih ulaganja u iznosu od oko 780 miliona KM, što predstavlja značajan rast u odnosu na prethodne godine, te da je stoga potrebno raditi na promociji zemlje u inostranstvu s ciljem pronalaska novih investitora, gdje značajan doprinos mogu upravo dati novoimenovani ambasadori. Italija se nalazi na 8. poziciji liste stranih investitora, sa uloženi 603 miliona KM. Interes italijanskih kompanija za ulaganje u BiH postoji, o čemu svjedoče stalni kontakti i susreti koje FIPA ima s investitorima iz Italije. Ujedinjeni Arapski Emirati se nalaze na 15. mjestu liste stranih investitora sa uloženi 185 miliona KM, u sektor turizma, nekretnina, proizvodnje hrane i drugih sektora. Postoji interes investitora iz ove zemlje za ulaganje u višemilionske projekte u BiH. Kada je riječ o prilivu stranih ulaganja iz Irana, on je vrlo skroman i iznosi oko 1 milion KM. Postoji interes za ulaganjem u BiH, međutim postojanje viznog režima između dvije zemlje uveliko otežava razvoj privredne suradnje. Od ambasadora se očekuje da uspostave suradnju s privrednim komorama zemalja prijema, i ostalim udruženjima nadležnim za privredu kako bi pokušali poboljšati priliv investicija u BiH i izvoza. Također se očekuje da ulože napore kako bi obezbijedili medijsku promociju BiH u zemlji prijema, te kako bi organizirali privredne manifestacije s ciljem promocije BiH i njenih potencijala za ulaganje, te predstavljanja privrednih mogućnosti.



U SKLOPU PROGRAMA POSTINVESTICIONE PODRŠKE POSJEĆENE KOMPA NIJE ADK D.O.O. I GLASSTEX BOSNIA D.O.O. NOVI TRAVNIK



U sklopu Programa postinvesticione podrške predstavnik FIPA-e Nina Pobrić, Ministarstva privrede SBK Zihinja Aganović, Općine Novi Travnik Amel Brljak i Međunarodne finansijske korporacije (IFC) Sabina Dervišefendić posjetili Tvornice ADK d.o.o. i Glasstex Bosnia d.o.o. Novi Travnik.

Tokom odvojenih sastanaka razgovarano je o načinima na koje se može unaprijediti poslovno okruženje i jačati konkurentnost Općine, te na koji način općinska administracija zajedno sa Agencijom za unapređenje stranih investicija BiH (FIPA) i kantonalnih ministarstava može pomoći i podrži razvojne aktivnosti ovih privrednih subjekata.

Naime, pristupanjem projektu LIFE Općina Novi Travnik se priključila i postala aktivni član Suradničke mreže, mreže institucija na svim nivoima vlasti uspostavljene s ciljem pružanja podrške investitorima u prevazilaženju administrativnih barijera u realizaciji njihovih preduzetničkih ideja.

Članica Grupacije Svjetske banke IFC u suradnji s Britanskom ambasadam, u okviru Projekta privlačenja investicija i unapređenja poslovnog okruženja na lokalnom nivou (LIFE), pruža tehničku podršku Općini Novi Travnik u provođenju Programa postinvesticione podrške.



NASTAVAK AKTIVNOSTI NA REALIZACIJI INVESTICIJE KOŠEVO STADIONA



U Općini Centar održan je sastanak načelnika i suradnika s predstavnicima kompanije IMAR Urban Consultants iz Rijada, Saudijska Arabija, koja se prijavila na otvoreni međunarodni predkvalifikacijski poziv koji je raspisala Općina Centar za iskazivanje interesa potencijalnih privatnih partnera da investiraju svoja sredstva u realizaciju projekta modernizacije kompleksa Olimpijskog stadiona "Asim Ferhatović Hase" na Koševu. Pored sastanka sa predstavnicima ove kompanije, održan je sastanak i sa predstavnicima druge kompanije iz Australije.

Agencija FIPA je intenzivno učestvovala u razgovorima vezanim za ovaj projekat, a kontakti s predstavnicima kompanija su ostvareni i u ranijem periodu.



ODRŽAN 5. BIZNIS FORUM BOSANSKOHERCEGOVAČKE DIJASPORE



Predstavnici Agencije za unapređenje stranih ulaganja Bosne i Hercegovine (FIPA), 25.07.2018 učestvovali su na 5. Biznis forumu bosanskohercegovačke dijaspore.

Svrha foruma je promocija investicijske i poslovne suradnje s hercegovačkom dijasporom i predstavljanje Hercegovine kao atraktivne investicijske destinacije.

Forum su otvorili predstavnici domaćini INTERA Tehnološki Park i Poslovni centar bh. dijaspore, a učesnike je pozdravio šef Misije USAID-a u Bosni i Hercegovini Peter Duffy koji je poslao riječi ohrabrenja i najavio nastavak podrške USAID-a jačanju uloge dijaspore u privrednom razvoju Bosne i Hercegovine.

Biznis forum bh. dijaspore je organiziran pod pokroviteljstvom projekta USAID-a „Diaspora Invest“, te su u sklopu konferencije priliku da svoj rad i iskustvo predstave i poslovno se povežu, imali brojni poduzetnici iz hercegovačke regije i dijaspore. Skup je okupio oko 150 učesnika iz zemlje i dijaspore.

Predstavljeni su i strani investitori koji posluju u Bosni i Hercegovini, te su govorili o svojim pozitivnim poslovnim iskustvima.



FIPA UČESTVOVALA NA B2B SUSRETIMA BH PRIVREDNIKA I ČLANOVA AMERIČKE TRGOVAČKE KOMORE KOSOVA



Na inicijativu Privredne komore Federacije Bosne i Hercegovine i Američke trgovačke komore Kosova, organizirani su 25. jula 2018. godine sureti privrednika dvije zemlje.

Imajući u vidu koliki problem stvaraju vizne barijere kako bh. tako i privrednicima s Kosova, susreti privrednika su upriličeni u cilju obnavljanja pokidanih veza s akcentom na negativne statistike u robnoj razmjeri proizvoda, prouzrokovane viznim režimom.

Predstavnik FIPA-e je uzeo aktivno učešće na pomenutim susretima, upoznao prisutne s radom i aktivnostima Agencije i pozvao potencijalne investitore da ne odustaju od bh. tržišta, dajući snažnu podršku organizaciji sličnih događaja i u budućnosti.



POSJETA CSCEC – CHINA STATE CONSTRUCTION ENGINEERING CORPORATION LTD



Delegacija respektabilne kompanije "China State Construction Engineering Corporation Ltd - CSCEC" iz Kine, na čelu sa zamjenikom generalnog direktora Tang Haom je posjetila Agenciju za unapređenje stranih investicija BiH (FIPA) u cilju upoznavanja s radom i aktivnostima Agencije i o mogućnostima investiranja u projekte u Bosni i Hercegovini.

Firma CSCEC zauzima četvrto mjesto na listi najvećih kompanija u Kini i broji oko 300 000 zaposlenih radnika. Spada među najveće investiciono-građevinske kompanije djelujući u 129 zemalja širom svijeta. Poslovanje CSCEC-a se zasniva na razvoju, dizajniranju, projektovanju i investiranju u nekretnine, infrastrukturu i energetiku.

2017. godine kompanija je rangirana na 24. mjesto na "Fortune Global 500" u svijetu, te na treću poziciju "Fortuna China 500" u Kini.

Predstavnici FIPA, na čelu sa direktorom Gordanom Milinićem su upoznali menadžere kompanije o radu i aktivnostima Agencije na privlačenju potencijalnih investitora, zakonskoj legislativi, pravima i obavezama stranih investitora, kao i o aktuelnim investicionim projektima i investicionim lokacijama iz FIPA baze postojećih projekata, kao i o uslugama koje FIPA pruža investitorima kroz Aftercare projekat postinvesticione saradnje.

Konstatovano je da ova kineska firma smatra Bosnu i Hercegovinu izazovnom investicionom destinacijom i u narednom periodu će razmatrati mogućnosti ulaganja u potencijalne infrastrukturne projekte u našoj zemlji, puteve, mostove, aerodrome i luke, a zainteresirani su i za energetske projekte. Dogovoreno je da i FIPA pruži punu podršku ovoj gigantskoj kompaniji, i da se odmah nakon odabira projekata organiziraju sastanci s nosiocima projekata i nadležnim ministarstvima.

FIPA POSLOVNE VIJESTI ≡



5TH CEE PROCUREMENT & SUPPLY FORUM“, 16.10.2018, PRAG / ČEŠKA REPUBLIKA



USVOJENA OKVIRNA ENERGETSKA STRATEGIJA
BIH DO 2035





5TH CEE PROCUREMENT & SUPPLY FORUM“, 16.10.2018, PRAG / ČEŠKA REPUBLIKA



Cilj ovog foruma je da se u okviru jednodnevnog događaja odabrane kompanije iz zemalja Centralne i Istočne Europe (CIE) sastanu sa njemačkim kompanijama koje su zainteresirane za uspostavljanje poslovnih kontakata sa proizvođačima iz CIE, tj. njihovim novim potencijalnim dobavljačima roba i usluga iz zadatih djelatnosti poslovanja.

Zainteresirane njemačke kompanije tj. kupci dolaze pretežno iz metaloprerađivačkog sektora, dobavljačkog sektora za autoindustriju, sektora prerade i proizvodnje materijala od plastike, kao i manji broj kompanija iz elektro i elektronskog sektora.

CEE Procurement & Supply Forum Vam nudi: B2B-matchmaking razgovore, interaktivne diskusije, radionice, te meet & greet stolove. Ovaj forum Vam pruža mogućnost da se sastanete s njemačkim kupcima velikog potencijala.

Za više informacija kontaktirati : sanjin.purgic@ahk.ba



USVOJENA OKVIRNA ENERGETSKA STRATEGIJA BIH DO 2035



Vijeće ministara Bosne i Hercegovine (BiH) donijelo je odluku o usvajanju Okvirne energetske strategije BiH do 2035. godine, stvarajući uvjete za privlačenje IPA fondova i fondova iz Investicijskog okvira za Zapadni Balkan (WBIF) za sektor energije, kao i privlačenje ulagača u sektor.

Okvirna energetska strategija BiH, usvojena na inicijativu Ministarstva vanjske trgovine i ekonomskih odnosa, deset je godina bila predmetom pregovora između dva BiH entiteta (Federacije BiH i Republike Srpske). Procjenjuje se da je BiH izgubila oko 200 miliona € u nedostatku strategije.

Usvajanje ovog strateškog dokumenta definira put razvoja BiH energetskog sektora do 2035. godine, što će pozitivno uticati na investicije, kao i na tržišne i regulatorne reforme u svim segmentima energetskog sektora. Očekuje se da će strategija posredno pomoći u povećanju zaposlenosti, smanjenju javnog duga i poboljšanju konkurentnosti u BiH.

Energetska strategija stvorena je suradnjom relevantnih ministarstava, institucija, istraživačkih instituta, udruženja i socijalnih partnera, kao i drugih sudionika u sektoru energetike u BiH.

Temelj Okvirne energetske strategije BiH bili su entitetski strateški dokumenti energetskog sektora.



MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje i sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identificira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



DA BISTE SAZNALI VIŠE O USLUGAMA FIPA-E,
KOJE SU BESPLATNE, KONTAKTIRAJTE NAS
DIREKTNO.

Grbavička 4
71000 Sarajevo
Tel: +387 22 278 080
Fax: + 387 33 278 081
e-mail : fipa@fipa.gov.ba
www.fipa.gov.ba

Ured FIPA-e Mostar
Kneza Višeslava, Office 54
88000 Mostar
Tel/Fax: +387 36 558 815
E-mail: mostar@fipa.gov.ba

Ured FIPA-e Banja Luka
Jovana Surutke 13/III
78000 Banja Luka
Tel/Fax: + 387 51 226 180
E-mail: banjaluka@fipa.gov.ba

A map of Europe with white outlines of countries on a blue background. The country of Bosnia and Herzegovina is highlighted with a yellow and blue flag featuring white stars. The text is centered over the map.

INVEST IN BOSNIA AND HERZEGOVINA YOUR NEW OPPORTUNITY

WWW.FIPA.GOV.BA